

高

陽

集

高陽集文卷之十六

高陽孫承宗稚繩著

門人孫承宗稚繩著

制詞下

巡按山東浙江道監察御史陳王庭

勅曰朕光纂大曆寄耳目于臺察因念我先
皇祖特慎耳目而獨于東之役簡于衆得膽智
達朝聽者以違意在條便害紕奸良也朕敢忘
報爾巡按山東浙江道監察御史陳王庭以子

大夫高第出分花縣入踐松廳緣廷議之共推
受 神皇之特簡誰以 遺君父獨何心問室
家于是慷慨臨邊從容授斧卽謀不必盡用而
法有所決行策成虧借箸之先核功臯授綏之
後振綱維于政委調猜懷于雄行蓋以沉毅有
爲之材厲精明必勝之志故衆方縮而獨往人
競譁而自寧是覲爾風猷矣茲以覃恩授爾階
文林郎錫之勅命於戲往在承平而哆口談邊
者誰也一當邊聲曾不能窺左足而先進猶憶

先皇祖之遺爾于東也當衆所不能行而又同牒之未有命抑何重也爾尚堅爾心調爾膽智偕新遣以綜核勿隨勿護以重予耳目之寄朕則懌

浙江道監察御史蘇述

勅曰朕聞古臺察之臣簪白筆側陞而坐以伺察非法蓋其重也朕光膺大曆特慎簡其人庶幾古簪筆之風以振天下之法自非氣貌孤峻者不以授爾浙江道監察御史蘇述以予大夫

高第兩官花封載徵栢署以清嚴粹品用其沉
凝以勉劭真材濟其謹朗卽顓章初奏而直道
先聞謂臣不自遜于皐夔乃君可身親于堯舜
儻祖宗之法度盡舉于朝廷則人主之仁恩
徧翔于寰宇方莛業而圖新政適慇懃以贊舊
章蓋公廉萬整清冰孤峻千尋喬岳風霜隨馬
人成攬轡之誼露雨依車道切埋輪之志故磨
切貴近提挈紀綱持勞心撫字之忠爲明目枰
彈之論茲以覃恩授爾階文林郎錫之勅命

人稱耳目之官當特立也將無據雄職自豪乎
法處委而力起之之謂立法衆弛而獨張之之
謂特爾頃不譚法乎以爾識力佐予法無委于
昶無弛于衆朕何難執法以助特立者懋哉朕
與爾交持于法矣

山東道監察御史傅宗龍

勅曰昔我 皇祖拔清明勁正之士列于綱憲
以貽我冲人無亦曰御史吾耳目官非清明勁
正不偏不撓者安可使條便害振紀綱廣吾聰

明哉三朝舊簡六察雄職業能其官矣慶渥其
斬焉爾山東道監察御史傳宗龍以予大夫高
第出蜚鳬歸入挿牙冠襟期凝萬壑清冰標格
聳一時風采識徹先民之大一意獨行忠懷當
世之心有謀入告提衡張弛振人心悅委之源
酌次西南調衆口狐疑之論抒孤忠而結主誼
重綱維陳古道以匡時論嚴苛細尚有酬庸之
典矧當大慶之條茲以覃恩仍授爾階文林郎
錫之誥命古之重察視也不兩爲令不得除豈

非以約結于令者可言之可行之乎夫朝車兩
違也埋輪破奸也以英之智用雄之膽懋之哉
奮不爲阿比易直不爲沽激難朕且腹心予耳
目矣

陝西道監察御史高弘圖

勅曰朕以冲人光纂大曆其內自帷幄外及方
夏諸臺察皆得執大府之憲以條次德遠糾虔
善敗而勁挺不阿引誼詔予者朕心嘉之大慶
其靳焉爾陝西道監察御史高弘圖以子大夫

高第對薇西署列柏中臺以澹泊之沉心用堅
貞之勁骨爾其抔殫疆近磨切從違持大體以
爲繩提四維而立議蓋直腸則有懷必吐而况
事係安危卽納交亦無德不酬而况言關君父
故孤忠結主寧逆計其當主上之衷而正色立
朝竟曲諒其忠朝廷之意以茲慙氣快我直臣
茲以覃恩授爾階文林郎於戲朕不忘 先皇
考其敢忘 先皇考之意而矧予同氣也爾亦
聞朕所爲酌次宮幃者乎庶幾其明朕志而未

嘗置爾言也夫明主不以逆耳却謀直士不以
撓鱗忘規懋哉朕不敢遜明爾寧遜直勿矯勿
挫朕且有顯陟

勅曰昔人以小雅名徧材以大雅名德行蓋一
至謂之徧材具體謂之德行朕太賚慶條而每
念其先世之德行乃若束修于身式穀于子斯
亦大雅矣爾生員封徵仕郎中書舍人高夢說
乃陝西道監察御史弘圖之父學探二酉志抗
八寅情文盡殫于庭幃心力惟敦于鞠念解內

子珮環之飾畢高堂婚嫁之懷孝在娛心意先
伺色董帷大業蓋談謀利計功馬帳春風不作
玄言奇字屢嘗察于鐵限道乃重千皐皮念茲
鯁固之臣惟爾象賢之嗣是用贈爾爲文林郎
陝西道監察御史名高鸞掖鴻章相資于一經
秩晉雄班龍綽式昭于百世

陝西道監察御史張論

勅曰朕光纂洪圖祗寧方夏所賴箴予之闕求
人之瘼遂以達上之澤唯我大察之臣是承是

藉蓋古所稱陳古道引大體不舉苛細者今有
其人焉爾陝西道監察御史張論以子大夫高
第一入皇華之署載聯蒼佩之班立正直忠厚
之高標運博大沉雄之峻采昌言日進慙氣特
聞蓋 先皇祖拔爾于師言 先皇考遺予以
正士頃方列于鵷行遽入陳其鴻略演堯舜傳
心之法提十二事以爲經矢君臣交儆之謨合
百千年而成業謂英猷漸試當令君子在朝而
寶曆初開惟以小民永命挾風霜于白筆人歌

至止之驄搖山岳于鐵肝威攬澄清之轡茲以
覃恩授爾階文林郎錫之勅命爾頃以中聞乎
朕念 先皇帝大命方欲効唐虞之治而進言
者或互戕其是亦或各執其非夫毋傾毋側毋
黨毋偏爾所謂中也懋之哉堅爾膽識以弼予
于治願與爾交勉于中矣

勅曰朕觀漢人起家孝弟力田者不翅賢良方
正而况慷慨之沉心脩穆行于家婉愉之摯性
迪公清于國蓋質有其文孝以教忠也朕甚嘉

司馬 脩職郎行人司行人張士蓋乃陝西道
監察御史論之父風規儼朗襟韻瑩奇姿標脫
穎之資雅抱耽書之志遭家不造投策以興爾
其仰承孤鈞躬調皮閭安則編爛繞膝曾無倚
望于門間否則頂踵乞捐不獨脩文于問視蓋
揮譚洞決皆明詰所不能而爲韓樂施又羶臆
所必遵至若分孤生以未炤推祭酒于賓筵而
里有同高貴惟冲勝亭亭桂樹夙符十寶之名
韓韓槐庭竟世一卽之兆睠茲正直惟爾嚴清

是用贈爾爲文林郎陝西道監察御史福延子
姓家餘麟鳳之祥恩重天綸世有龍鸞之彩

吏部驗封清吏司郎中范景文

制曰朕嗣膺寶籙訓迪在廷方欲飭天下合營
一公而不敢私固不恤屬柄于用人之人自匪
援籬棘無私嗔笑者誰以佐爾宰樞予柄爾吏
部驗封清吏司郎中范景文以子大夫高第起
家司法簡陔天曹而爾明識竝材爽心介節虛
聞歷庸之路人競稱平公塞僥倖之塗物來白

益蓋精神以居清而勁澹泊當處要而堅故邈
操信其有嘗質清不以簡物朕甚嘉之茲特以
覃恩授爾階奉政大夫錫之誥命昔我 皇祖
朝嘗難弄印今上有忍弗予者乎朕不敢私一
人以屬爾夫私則人指之卽姑聽之而終指之
懋哉天下之忠義至爾曹而定也尚佐爾宰總
齊清議勿徒調天下之口而不以服天下之心
制曰朕觀史稱山吏部濤蒞事明雅邁時而其
妻以貞慎儉約佐之予銓臣負邁時風槩寧遜

啓事于山其得無貞約之褒焉爾吏部驗封清
吏司郎中范景文妻封孺人張氏澹能成質靖
以爲操引機而佐墨帷執燭以調丹筆爾其再
日并同范甌三年不御原綿齊持結搯之先理
脫綰符之後則篤孝貞成至性素心不易紛華
而明智樵材公忠商政惟炊無欲清之色故門
絕因襲之風其規格出山媛上已是用封爾爲
宜人夫衡鏡之司唯曰清直不能移也竟爾操
乃以左之尚祿風于文綸

吏部文選清吏司員外郎劉榮嗣

制曰朕所與共理天下者唯是三朝簡拔而漢
薪易積山啓難疏嚮墮子野今墮于朝微公忠
不阿之吏誰爲我佐統均以平天下者爾吏部
文選清吏司員外郎劉榮嗣以子大夫高第初
主版曹職分銓政爾其參核名實人無浮濫之
恩華兼總功能朝盡清嚴于閑閑益先皇祖
以始署無全官而職稍曠先皇考以來官無
空署而人乃墜方思選敘之清通適拔公忠之

昔彥虛而爲鑑予天下以各自具之妍媸公以
持衡平朝端所不可偏之輕重蓋世情曉然立
心在挿籬樹棘之先朝典該通持議于笑留驥
與之外故繁綬亦惜斗食惟嚴閱爾敘書宜予
榮冊茲以覃恩授爾階奉直大夫錫之誥命朕
不難以用天下之柄予若曹其用而不自用者
若曹乎散而不可收者柄也持而不可倒者法
也勿以獨而桀譏勿以公而偏操懋之哉朕以
用天下希爾曹矣

吏部文選清吏司員外郎蔡奕琛

制曰朕祗承大曆式敘羣流嚮集于野今集于
朝所賴統均天下以拔滯疏湮無使選人嗟漢
薪也唯爾諸子曹是賴爾吏部文選清吏司員
外郎蔡奕琛以子大夫高第初若予工乃除予
吏而齒新學宿志潔行芳執簡要以解紛抒清
通而定秩褪身冰玉笑嚙寧肯隨人抗志雲霄
籬棘不將設世益厲朝氣以綜名實則人盡歸
于衡平由精心而核楷良則品不淆于陝委念

爾操之克謹將吏治之唯明茲以覃恩授爾階
奉直大夫錫之誥命朕方念貲入者頃令吏道
難而多端而假冒者遂弁其貲爲奸利夫肘腋
之刀筆不清而問天下乎貲冒者淺名冒者深
以爾氣骨稜稜殆易以辨此也懋哉朕于爾辨
吏矣

吏部文選清吏司員外郎耿志燁

制曰朕光纂洪圖登延英乂期以總齊清論遂
且澄汰天下之品流而特簡銜鏡之司佐我主

用其明卽未正郎聞乃特占峻品矣茲以覃恩授爾階奉直大夫錫之誥命天下之患壅也則言與吏矣吏之壅向于野今于朝也言之壅向于上今于下也以言衡更以吏衡言天下之是非至爾曹而猶不定乎懋之哉今之釋巖居而入者或多向之好爲公持者也堅爾骨佐爾長以需予遠注

戶部山西清吏司郎中楊文滌

制曰朕光紹丕基眷求舊德夙背簪筆題橐之

吏沉滯泉石者相次應蒲微而振鴻漸之羽
我幹臣翺翔郎署以公忠佐我軍國大計可無
以顯褒之爾戶部山西清吏司郎中楊文莊道
裕庇民忠能結主以子大夫高第抽毫秘苑拜
較松廳入倚螭頭霜氣先騰千輦下出橫牙角
風接風振于關西幾年解組于平原一夕聞鐘
于長樂材備嘗而成大氣百鍊以彌剛爾其慎
筦簫于錙銖酌盈虛于庚癸識泉源之流行一
消耗蝨之端察天地之收藏盡洗滯留之實方

嘉舊勛而斯新恩茲以覃恩授爾階奉政大夫
錫之誥命天下事旁議之易身試之難今之盡
沙撻米而籌度支者章滿公車矣曾一不仰瓊
盈乎爾以昔所條次爲今所規恢勿謂借籌不
若授斧也其尚殫心計以贊佐我大農復我
皇祖之初服朕不久以錢穀爲勞也欽哉

戶部山東清吏司員外郎王濬初

制曰朕祗承大曆底定方隅而所在告乏無亦
知悉之法自足而吏不能持也朕頃罷惡進獻

持一清以洗天下于墨而秋毫以上莫不有
清幾嘉惠元元以康我王國益度吏吏有雅能
念之者彌戶部山東清吏司員外郎王濬初乃
原任禮部尚書兼東閣大學士贈太保謚文端
家屏之子材稱國器名冠鄉掄池上鳳毛世美
衍絲綸之閣士中英志先籌提入出之衡項奉
檄于津門益折心于計略精于簡下力清耗盡
之源慎以裊身獨提公忠之槩蓋入承家學卽
利鈍不易其心出佐國成豈脂膏肯攫其守以

故標同時玉嶷若斷山式綜莞簞之明猷尚想
幃幄之英略茲以覃恩授爾階奉直大夫錫之
誥命頃奉 先皇帝詒謨錄列爾先臣爾先臣
有大功于國而爾介弟復瘁于勤稱其佳兒矣
夫清第難持當不謂爾以材自命者乃人門等
美朕且爲元臣快之一乃心堅乃材操朕不敢
忘 先皇帝之養晦于東也其敢忘爾先臣而
不念其令子之能吏者懋哉

大司馬雲南河東司主事耿如杞

勅曰國家以大農諸子曹詔邦用其要在慎筭
箭于入出夫入出有耗若木有蠹然蠹以木養
而害木者蠹也治木去蠹治賦去耗微廉幹吏
誰辨此者爾戶部雲南清更司主事耿如杞以
子大夫高第入主版曹出分庾政謂秋毫皆有
益于國無一事不可質于神節以砥公精于簡
下料量破南金之口清直開赤玉之胸蓋德度
金鎔材銼犀利故剏格風塵之外置身勞怨之
中批卻導窾之材銅新發而合節駕輕就熟之

識手先得而應心茲以覃恩授爾階承德郎錫
之勅命吏臨爵名患競也臨事任患委也爾司
庾而稱與之爭乎清吏遠金穀如臆防其浼耳
處膏而不自潤誰爲浼者汝唯爭乃任歲至省
民錢千百萬而蹢然額畢役于爾者婁矣朕不
欲以漁蝨民寧欲以耗蝨國懋哉朕無恡爾爵
名矣

禮部儀制清吏司員外郎張光房

制曰朕方藉我皇祖豐芑舊人祗叙秩彛所

曠大宗伯掌禮典諧神人而儀典之任實藉文
雄干以審護曰奏以大諮決自非識見清通詳
練故事者不以授爾禮部儀制清吏司員外郎
張光房乃正議大夫資治尹戶部右侍郎贈戶
部尚書養蒙之子以子大夫高第初賤西垣載
從南省師頌方推于雄要偏裁尚列于清華而
爾鍊局淵淳沉資秀峙世學既勤于曉鬯靜綜
更號爲該通肆予賤祚之初適爾攝符之會綸
閣驚鳳中儀特藉先資綵筆雲霞仙閣咸稱獨

編秩典應聲而辨眾務遊刃以裁佐我寅清式
子閱敘茲以覃恩授爾階奉直大夫錫之誥命
於戲三朝之事變靡常五禮之會通邇奏卽他
曹未皇而況爾諸子曹乎 皇祖朝任大事能
倉卒立斷者爾先司徒也堅爾骨朽爾材操家
猷亦國典也懋之哉朕且遠注

制曰朕茂膺大錄光奠洪圖方將標進退之權
以清流品剖忠棄之路而奏蕩平卽老成不竟
予當年乃碩豈尚存乎今日可無愍冊式慰貞

臣爾原任正議大夫、資治尹、戶部右侍郎、贈戶部尚書、張養蒙。乃禮部儀制清吏司員外郎、虢房之父。抱忠鯁之襟，期抒其匡濟；藉沉雄之規格，用其公清。一人本天裁，登樞密，即探秘奧，乃奏憲章，綜古今消長之機，嚴良撻去留之辨，抨彈疆圉，磨切帝遠，當其行省初麾，清華載踐，出盡心以營職，不抗高遷，謫之顏入，展力以疇思。寧少貶生平之志，迨晉司徒之貳，益調借箸之籌。蓋皇祖倚相之初，難于將虎而特驅，憑社

之奸及皇祖攬權之日憚在嬰鱗而數進格
心之論至若糾並封之誤說載引同心進蜚建
之昌言不嫌逆耳蓋識脫成虧之外身視冰玉
之中故敢筆立談竟中數十年之後當機立斷
頓消百千世之萌是誠安社稷之元臣豈徒長
國家之財用茲以覃恩從簡子房請晉爾階資
致大夫錫之誥命其贈官如故於戲小臣易以
借人元頑難于執法儼四支既頤誰爲載厚之
資果百體盛一理自是梯榮之藉惟中外堅持一

行乃初終無二爾心急故老之芳規徒勤仰止
概中儲之風度尚有典型朕將厲臣誼于靖共
明恩有錫爾尚相家謨于燕翼休間無窮欽哉
兵部車駕清吏司郎中沈麟祥

制曰駕部郎調乘輿飭傳遽卽回牧與有責焉
非消萌弭慮之衷爲國遠圖者無以壯皇威節
物力爾承德郎兵部車駕清吏司郎中沈麟祥
風格峻挺識度淵停製錦名城含香郎署而爾
氣昂鳴鼓意傲投籤持衡而組練惟良按籍而

待縑必覈茲以覃恩授爾階奉直大夫錫之誥
命於戲方今內弛于玩外苦于徇所恃日閑與
衛以詰爾士馬清爾驛騷唯爾是賴爾尚條次
故實以佐爾夏官無令挽救者以玩與徇相蒙
也欽哉

刑部山東清吏司添註郎中馬之服

制曰頃我先皇帝無欲小民之在鼎也特下
矜恤之詔至數數促所司以奉行朕仰承先緒
加意天下之平所賴分朕猷念以奉行先帝

稔恤至意其望固聞冠諸子曹更渥也爾刑部
山東清吏司添註郎中馬之服冲夷粹度峻爽
風規迨升秀于彤軒遂分待于花縣旣聞績奏
爰擢雲曹而爾識朗然犀沉謹而抒敏發才恢
遊刃廉公以用精明諳名法于三朝獨深綜練
持祥刑于一代更切平亭蓋道以原情爾不負
清嚴之志明足鑑物吏何敢輕重其心至恩或
下及于卑宗法不留行于強近而庭無呼晷誼
有皆生朕且覲爾標格矣茲以覃恩授爾階奉

政大夫錫之誥命古者設言而民不違畫象而民不犯今法今日密而奸不爲止何也更藉法以行意或阿意以納法也爾尚堅爾識力以爾所試于一同者體先帝之意以弼予于治尚其有顯庸

刑部浙江清吏司署員外郎事主事劉繼禮

勅曰朕觀漢神爵間多綜核矣而一時法吏何深搜公名平多後患也朕數下詔爲寬大隨以

計簿按其後蓋亦從綜核者有司體朕意無

爲漢吏朕其有愛焉爾刑部浙江清吏司署員
外郎事主事劉繼禮以軒策賢良握符壯縣游
歷雲曹而爾操凜餐冰材恢遊办塞浮淫之賢
則十萬旋留抗熏轅之權則一官可謝嚴能行
恕而人競稱平公以用明而物來自鑑閱爾狀
朕心嘉焉茲特授爾階承德郎錫之勅命語不
云乎莠盛禾穢何可不鉏也乃 文皇帝諭所
司明慎特曰目有不見弁良苗去之抑何懇篤

也爾以抗法從文學旣明旣愼矣懋之哉法之所取禮之所棄也悉棄取乃無害良苗尚竟爾明慎以謹所不見朕顯陟汝

刑部江西清吏司主事劉似鰲

勅曰頃我 先皇帝期予于堯舜朕用是夙夜兢兢冀我大吏明刑弼教以洽予好生之德于天下而倚望司寇諸子曹更渥也爾刑部江西清吏司主事劉似鰲器識端凝風猷敏練以子太夫高第出分花縣入佐雲曹而爾操勵含冰

斷成遊刃抒精明于渾厚案無稽牒而清寓敦
大于辨嚴民自不冤而治遂使威行拔薤惠浹
懷嬰九城頌惻怛之真心百吏體哀矜之至意
具覘偉抱矣茲以覃恩授爾階承德郎錫之勅
命古稱獄市爲奸人所藏也奸良之辨天下安
危係之朕嘉與維新道先懲奸爾其勿嚴于刻
勿苛于察持允明以効唐虞之治朕且顯陟汝
刑部山西清吏司主事陳所聞

勅曰朕紹休丕基聿惟改歲方春時和而吾民

或幽于圜土中匪得星郎之儁明恕以分理其
何以惠我嘉師爾刑部山西清吏司主事陳所
聞學務澤于雅馴才更升于讜朗離蔬釋屬方
騰逸驥之羣結綬彈冠遂入爽鳩之署而爾勅
法參乎雷電慎用準夫火山佐清讞以無私輕
重之服惟其允蕩新恩于肆赦小大之察必以
情身坐萬壑之水物來自鑒臯疏一面之網人
競稱平丁此元禩初開之辰載屬羣生咸樂之
會而有贊始爰書刑期無刑若爾者朕殊愜焉

茲以單敘授爾階承德郎錫之勅命夫頃以山陵之役移諸舊省宋時比部司法制至德初則又以之職工程蓋一官異名也欲無寬者利在寬綜濫孔者宜至嚴爾尚其變用之

勅曰易言夫婦之道不可以不久故次恒子咸義有攸當而或以作儼之良助竟厄其年將母憾遺桂也爾刑部山西清吏司主事陳所聞妻韓氏質昇幽貞性成恬穆結褵伊始儼爛無替鳴鷄至饋必新作苦僭將挽鹿慎乃儉德編綦

佐節于壺間永言孝思其臚潔羞于堂上爰滋
祚胤愈懋恩勤方幸交勉以同心亡何頓捐于
中道茲用贈爾爲安人光熠黃鑪譽流彤管

勅曰夫如鼓瑟琴志嘉耦之合也琴瑟敎則必
解而更張之乃室中亦有更張之會而能引伸
芳緒以曲贊于雲省間疏榮其未可靳已爾刑
部山西清吏司主事陳所聞繼妻唐氏毓穎儒
門嗣徽賢配內言不出中饋載調雍肅宜家並
處篤如賓之敬端莊佐閭無違謹克相之儀簪

燈而伴青氈志已畢酬于簞苴秉燭以隨丹筆
人寧抱抑于飛霜鑒此祥刑嘉彼良儔茲用封
爾爲安人極音錫美蘭韻含馨

工部都水清吏司郎中管理南河朱國盛
制曰朕光宅丕基以奠方夏豈其圖壯麗以示
威無亦仰奉 列祖貽謨拊御中外無敢侈焉
卽不能盡罷諸作治以息元元而程藝飭工毗
贊宏父則諸子曹有均勞而况歷試輒效者爾
工部都水清吏司郎中管理南河朱國盛以子

大夫高第一分水部載歷繕曹適以漕渠更勤
荒虔盖示巧陳功之會唯協財權用之方顧握
利或集怨以交征而庀材多市私以任德爾乃
力清浮冒獨任綜核人予綱紀之成模事按

祖宗之舊法既不緣公家徵取下剝人膏豈其
以豪寇奸闢上湮國計至若省納交以充額則
獻丞不濶于苞苴虛濫以通商則物力頗蘇
于推行宜勞內署標仍楚蜀之星風展采真江
嶺語東南之風燕屬茲大賚晉正郎闡是用授

爾階奉政大夫錫之誥命於戲水衡錢不可問也蓋民間什伯公家千萬假令出私錢料內寧任乾沒乃爾乎以爾綜理周密費省于國力寬于人矣尚堅爾心竟爾材操夫水猶民然少疏則壅多漏則竭懋之哉佐我如流之令

工部都水清吏司主事胡汝淳

勅曰朕光纂洪圖綜核六職念役煩而司空填委特慎簡闕吏以條次權政乃荆襄猶輻輳重地也子大夫持籌勞勩亦久矣朕其忘顯褒爾

工部都水清吏司主事胡汝淳學紹庭聞名升
軒對迨蜚英壁水遂振秀冬曹爾乃守勵堅冰
才恢迎刃精于簡下法行憑稷之奸惠以通商
德在倚舷之口蓋司存裕國志在寧民條生人
利病之衡深惟其大酌天地盈虛之脉力導其
源頓使惠風偕江水同清心勒與峴山同頌已
爰以覃恩授爾階承德郎錫之勅命於戲國家
自工興來椎征之使不啻十道比我先皇帝
皇祖大命盡罷諸璫獨留士人爲司關唐劉晏

不云乎士人名重于科故備士以克有成爾
精白一心以重士名遂以若予工以爲朝廷
效欽哉

南京吏部稽勲清吏司郎中文翔鳳

制曰朝廷采清議佐大法往往從轂下藉留京
之議而留銓諸子曹亦復饒介節有道術者各
持所抱以佐清議爾南京吏部稽勲清吏司郎
中文翔鳳以子大夫高第三仕爲令兩曹于南
而爾譽起青齊化行伊維克庭鷺羽雲開葉上

之鳧繞境竹花春滿河陽之種至若調藩室之
宜而抑璫寺錄名賢之後而遠侏言拔籬棘于
藩牆嚴笑噉于風月蓋學探二酉志攬八寅提
英鑑于羣倫拔文鋒于奇響今自推高用世後
來稱首詞人茲以覃恩授爾階奉政大夫錫之
誥命世冊文士迂不中世用而留署恣耽聽爲
辭也爾抱匡特氣略而薄衍天與龍和何雄博
也乃稜稜風骨與嚮者字人之政同聲寧惟雪
此迂邇將河山供爾籌策矣忽哉竟爾遠局

制曰士抱璞而人脩賓客亦足以勞乎乃若其
寒素遂其功名則糟糠當貧賤之交矣爾南京
吏部稽勲清吏司郎中文翔鳳妻封安人武氏
圖史蔚其在躬詩書略能上口鍾禮郝法合以
豈冀鹿雅睢風翮其閨秀爾其流黃皎月清開
筆底江花靜瑟明星儼助空中邵閣翳爾夫能
唯爾佐之是用封爾爲宜人爾夫謂爾勉相勤
也尚以榮綸報爾聞婦

制曰朕聞抱文者守質士不幸以文見而遂掩

質于爵名然竟以道重也而况式似于爾承
德郎禮部祠祭清吏司主事文在中乃南京吏
部稽勲清吏司郎中翔鳳之父一冠西京載雄
南省當神皇帝嗣服正子大夫承軒而雅欲
通一氣于目聰清兩孳于中外爾其才堪世忌
道與天經董賈不逢竟弄半川風月莊騷杜筆
頗成持世文章襟期曠達天人閤鉅綜銓宇宙
卽三至清曹供爾辨略矣是用封爾爲奉政大
夫南京吏部稽勲清吏司郎中老鳳兼名于故

向文龍啓秀于絲綸

制曰華相席易侈也質相席易樸也乃夫若干
方以文章豪天下而又世宦于朝獨孝讓之行
滿庭屏也予其有恡焉爾封安人趙氏乃南京
吏部稽勲清吏司郎中文翔鳳之母賦以慈和
嫻于靜讓處貴顯而躬脩其旨當華溫而力鉅
綺紈友介備于肅雖奉諸姑于敬愛南樛福履
室無謠諄之聲西極才名庭佐義方之訓是用
封爾爲宜人爾躬翟服拊子舍听文侍重咳也

尚以慈功驕爾孝行

南京吏部稽勲清吏司郎中沈維毗

制曰朕方綜核名實以式敎品流所期疏壅拔
滯盡登天下之豪傑而進絀閑序于勲曹尤稱
要任矧豐錫重地自昔稱清議焉自非公忠有
風格者不授爾南京吏部稽勲清吏司郎中沈
維毗以子大夫高第載佐邦刑兩衡省辟庭無
呼囂之聲野乏留良之嘆爾其升華銓部振彩
留都別流品以昭大公明陟黜以杜羣枉獨提

英鑑物來而自具妍媸人就平衡心定而不爲
輕重蓋語嚴于風月官慎于笑與而道重崑山
名高玉峙具覩爾風格已茲以覃恩授爾階奉
政大夫錫之誥命於戲爾不聞周家董正治官
乎功賞明而人心定離棘撤而世道平懋之哉
朝廷通天下爲一身無謂南銓非交戟下也竊
爾令猷贊予新政朕于爾辨吏矣

南京戶部福建清吏司郎中祝萬齡

制曰朕光纂洪圖仰惟大計卽不愆遺貯以金

塞人而更深念大司農之嘗算窮則數請爲借也習于借遂不講于籌而率爾以借猶歛腹賑漿挾也計其有轉注乎微清忠幹吏誰辦此者爾南京戶部福建清吏司郎中祝萬齡以子大夫高第一主留曹遂勤版計而精于簡下廉以持身乃使奸戢豐狐耗嚴壯雀它所矜爲千百爾方屬以尋常至以當事之勤心邀神皇之明旨而兵荒易劇地重難虛仰陳跪飢之羣心特奏瓶罍之罄狀旣精心以爭職乃獨力以回

天益勁骨直腸通材宏識見超利害之外計析
茲虛之中可謂明而知大計矣茲以覃思授爾
階奉政大夫錫之誥命漢臣不云乎羗獨足憂
耶而借非計也入不問逋出不問冒有司席故
嘗馬入廐金入懷矣踈踈加賦于乞蠲之人議
賑于追逋之地其寧有計乎以爾遠識堅爾骨
行且興大方爲國遠猷其勤入以念所出也朕
願陟爾

制曰朕祗膺大籙而不得以天下養每覽諸臣

孝行未嘗不憫焉念之也至身所不能得于親
而子能得于身其以數佩爲萊服也殆不獨宦
學相輝映矣爾原任秦府審理正封承德郎南
京戶部福建清吏司主事祝世喬乃南京戶部
福建清吏司郎中萬齡之父蚤分翼軫之精英
壯覽河華之雄秀生函華性天與醇衷爾其傷
護背之旣零望嶠山于空仰聞關萬里風雪幾
年嬰之以少艾而不留歷之以諸艱而竟合當
其旣達復遇顛危粹安則道已通于神明志重

目于金石之外無主伯亞旅之屬內無菁功耀
近之親而雄文結四海之同心篤行聚一堂之
肺腑追輿題梓里醴設王門分槐蔭于二郎展
松庭于載世殆天所以光豪傑報醇孝也是用
封爾爲奉政大夫南京戶部福建清吏司郎中
尚聞命而益恭勵高修于聚講無旣髦而忘儼
仰獻聖于遐齡

制曰朕甚喜張負之偉陳孺子也假幣以聘而
曰毋以貧故事人不謹乃若比德配于陳張而

上壽令名蘭芽玉樹並拊而膺之亦可以待天
恩以釋誚糟襲也所由與陰謀者遠矣爾封安
人劉氏乃南京戶部福建清吏司郎中祝萬齡
之母經于儉樸居以端方爾其成佳耦于孤踪
采淑姿于清第叶鸞鳬室修雁雄堂仰不逮于
尊章旁無友于介備孑孑孤立依鴻案以相將
落落同心挽鹿車而交勵乃若勤能操作苦以
御窮卽稅駕舊州解裾新社而雙珠在握一羽
凌霄猶然笑語之嚴尚是布荆之舊當聚族而

歲五十年間歷亦足快矣是用加封爾爲宜人
合五朝以共壽泥書與鸞鳳同明集四世于一
堂翟服象河山爲度

南京禮部主客清吏司郎中楊廷槐

制曰國家重寅清之秩以諸子曹佐大宗伯典
三禮特稱華選矣客部未甚繁鉅而留都去朝
貢遠局又特清然清議所出不翅供事交戟下
則望寶騰茂亦雲霄榮梯也矧其負久閱者爾
南京禮部主客清吏司郎中楊廷槐才猷敏茂

器識淵宏茂棠愛著于昌江肺石亭平于西署
蔽省慰黍苗之望海濱著桑扈之功誤致投閒
旋更華要比賜環于法部遂游陟于春曹襟韻
標千尋峙玉風規開萬斛行舟閱歷三朝典秩
以靜綜而益練回翔十道材操緣屢試而惟精
嗣予訪落之初值爾郎聞之正是用授爾階奉
政大夫錫之齡命夫莫邪干將天下之神物也
淬以華陰之土其鋒益利以爾剔歷兩都浮沉
中外特簡爾司以祔爾遠猷夫火以外觀而明

歷以久磨而濫夫用固有以不用務者清明之
用大矣懋之哉朕且大用汝

南京禮部祠祭清吏司主事柴紹勳

勅曰朕初承七轡式敘天人蓋竣竣臨保虔惕
靡違特重秩宗諸子曹以其襄寅清而留都清
議又不專練習儀章也微亮有器局者不以還
爾南京禮部祠祭清吏司主事柴紹勳韻度春
容風猷敏勗早承軒對出握名城迫擢秀于清
華受蜚聲于祠部爾乃還醇崇雅力脫江左之

風抱一守恬清飲建康之水須靜綠風塵之外
靡寧動風夜之間蓋勁骨沉心一鎗不膩鴻衷
遠略百度惟貞可稱寅清直亮已茲以覃恩授
爾階承德郎錫之勅命六曹並列半皆有司事
耳虞廷之命秩宗獨曰直哉惟清非挺然無所
依倚之豪傑未有能爾然者也爾以清曹居清
議之地業已正郎聞矣其尚精白一心以永終
奉朕且有後命焉

南京兵部武選清吏司考郎中事

宇

勅曰留樞以擁衛闕天下根本特重它曹而樞
銓品騰材官以善任使又特重于部自非博
聞有方略者不在是選爾南京兵部武選清吏
司署郎中事王宇以子大夫上第同憲與
鳩晉銓司馬而爾清白仰承先世直方自矢平
生置身冰蘖之中脫念成虧之外題羣材于前
者運九塞于握籌茲以歲闋授爾階承德郎錫
之勅命昔我 莊皇帝重念邊材博求預著特

允推擇材望于樞司而重其格爾既無誤獄亦
克詰戎覬爾材操矣爾尚練習機宜勿循文墨
以稱朕蓄材之意朕顯陟汝

南京兵部車駕清吏司署員外郎事主事

王志堅

初曰高皇帝以神武定鼎留都故留樞特重
它嘗而公車參掌比于七兵要以歷練資材深
其局器無亦幹臣不粹索也爾南京兵部車駕
清吏司署員外郎事主事王志堅雋才鴻略

度清祿擢自軒掄試于留署而爾丕承家學武
贊庭謨靜綜政局紛紜獨攬便宜竅會沉先照
務籌籌九塞之情形敏以當機手畫四方之利
害子琮開對公義竭忠殆可兼之茲以歲閱特
授爾階承德郎錫之勅命朕觀古曹郎案無稽
牒骨有清強抑何材操也爾父不嘗郎比部乎
爾尚堅爾操竟爾材以爾父所無誤勸爾克誌
朕且顯陟爾

勅曰士抱經世遠猷而用不竟也然悲旣薦之

獲焉乃其學有幾治有諸後人紹庭爾而大也
殆天所抱汪已爾原任刑部江西清吏司郎中
王臨亨乃南京兵部車駕清吏司署員外郎事
主事志堅之父以賢良高等兩館名封歷祭邦
辟明恕不阿當世庶公直學古人法嚴薤拔于
強宗澤允嬰懷于單赤庭無孚譽頌有必生爾
其誼重孤發道忘恩怨持介不欺三尺遺安尚
見一經是用贈爾階爲奉議大夫錫之誥命有
赫明綸爾以醇所生也爾嗣人愷爾矣

南京兵部職方清吏司添註署郎中事王

事金汝嘉

勅曰朕讀書覽屬家以古士勸相王國唯是勿
誤獄以誅戎兵乃知古人以兵爲刑而飾焉備
輕籌于明允也儻不訓于德罔顯在厥世其寧
俾乂焉爾南京兵部職方清吏司添註署郎中
事主事金汝嘉以端方剛毅之資敦孝友宜慈
之行一承軒對載佐邦刑而爾察決科條平亭
疑法業及期報宸旋奉節乞南望轍日于重陔

不違色笑想先猷于舊署猶見典刑至力襄繼
幸之門獨剖貞表之路蓋載恢世業不減前茅
矣茲仍以舊敘授爾階承德郎錫之勅命爾先
臣以伉直官若曹爾復以孝就之官非必有諸
也爾家真摯沉心若譜然朕所惓惓兵刑略見
于爾矣爾尚體朕德意以竟爾先臣之志朕則
汝庸

中書舍人姜士望

勅曰朕光膺大烈登進英賢特重西垣之簡以

出典明綸入聯法從蓋習侍臣于耳目將寄耳
目于侍臣也自非澹寧靜默有風望者不以授
爾中書舍人姜士望以子大夫高第早承簡擢
遂踐清華而爾超秀用其沉雄端凝載其謹朗
姿采清函峙玉風稜孤映巍山書掩蕭雲風入
蘊鸞之彩璫迴袖篆香先鴛鴦之羣爾其攬采
葉于皇華倚咳蘭于靜樹博采華之方略靜
綜身世之沉揚蓋不獨光我寵章抑且以嚮茲
休問矣茲以覃恩授爾階徵仕郎錫之勅命中

秘袂非崇也而依禁近之光華蓋古所稱人與地兼清矣亦嘗聞于水乎細而谿谷之鑑眉睫清也大而溟渤之浴雲日亦清也堅爾骨遠爾識細大不相以成爾清朕且有崇陟

中書舍人莫儼臯

勅曰士離疏釋屬而頓依日月光際詎不稱朝廷盛選乎唐臣以古學蒙上賞者惟曰廉靜夫官之設有遠需而廉靜實始基之自非雅有風矧者曷以授爾中書舍人莫儼臯以予大天亮

第升華禁幄振彩西垣綵綸挹星披之高華冰
玉坐蓬壺之近秘清白脫身世燮澹寧雅學人
龍蓋遠局凝神不以飽溫役志清衷秀骨肯緣
俛仰隨人萬年枝咏清池五色直連浴鳳詔傳
高閣班入翔鸞又若樞星攜兩袖清風階藥翻
一簾紅日則人稱玉筍品重泥書矣茲以覃恩
授爾階徵仕郎錫之勅命以中秘之秩清近而
不煩他務也寧唯珮馬從容修甘泉法從乎清
以定志簡以厚蓄率爾康靜家風以圖匡世大

略則從容瑯琊管經濟也懋之哉尚有遠注

中書舍人楊景明

勅曰朕肇纂鴻圖渙頒綸敘遂以宣達訓令以
嘉惠于萬方亦惟是西掖之臣依日月光華佐
以古學蓋與有勞勩焉而耳目侍從其選也疏
榮其新之爾中書舍人楊景明冲襟粹養端品
沉衷高擢彤軒鵬繫天迪之浪昌言楓陛鶯遷
上苑之春遂額雋于薇垣爰蜚英于鳳掖爾乃
力綜典制益聳風猷該通中外之機宜靜練名

實之大略清標玉立偉崖山凝浴鳳翔鸞綸綵
散紫泥之色玉珂金鑰冠翻紅藥之香朕且
以閒靜見爾遠局已茲以覃恩特授爾階徵仕
郎錫之勅命朕聞史策前代以諫官拜中書我
國家多以中書拜諫官也蓋昔以議論儲功能
今以沉靜儲議論爾當筮仕服茲清華尚懋乃
潛修益弘令望朕且耳目汝

行人司行人丘兆麟

敕曰朕聞因雲易潤乘風易響則越石左轡不

加于凝之薄萃也士孤興啓後人而雅負殊行
朕其有愛焉爾丘御琇乃行人司行人兆麟之
父俠骨沉心清襟篤孝家不食華溫而樂與交
非關暱密而偏親至嬰哀不悔傾衿攻苦猶耳
倒屣則馮券不焚于自賃范舟未散于身阨而
繼日孤鉤清時結駟殆天所以報善人矣茲從
爾麟奏移贈爾爲修職郎行人司行人旣表爾
室以明貞載錫爾書以勸孝爾所屬爾子竟爾
志矣

廳天府治中呂恒

制曰國家奉 高皇帝詒謀以重世豈因念留
京爲根本重地不惟卿尹之扶貴也二三叅佐
皆出茂簡以比于廷僚國有大慶可無褒揚之
典爾應天府治中呂恒器識閎深才猷敏練以
省辟高第振彩名城以郡佐循良升華京兆爾
乃清涵繼日明察秋毫堂上德以安人奉官箴
而卒劄雄飛天塹提衡南北子長江驥展神臯
攬結河山于上國舳艫載色問井生春可稱重

地長城華京保障已茲以覃恩授爾階奉改大
夫錫之誥命令之東南民力竭矣爾昔佐天水
有開墾之績著聞先朝建業之水可飲六朝之
風韻不可習也爾其益勵忠勤以佐大京兆慰
我豐鎬之思朕且大受汝

制勅房辦事加三品服俸鴻臚寺卿兼司

經局正字汪民敏

制曰朕光纂膺服以親帷幄大臣遂且盛其官
屬以備任使而文學堂成之吏自非該練通明

鮮克久于其任爾制初房辦事加三品服俸滿
禮寺卿兼司經局正字汪民敬以甲舍名英翅
陪清近日條鸞紙歲時芸籤經緯顧陸之文華
筆戟鍾王之墨妙翩翩金紫蓬山綴集儒紳被
輶丹鉛芝閣開陳漢簡供奉既逾三紀恪勤薦
蒞八官飽參世局之縮盈歷覽天家之故事載
承朕眷祗受新綸茲以覃恩拔爾階中憲大夫
資治尹錫之誥命昔人願以華顛眠秘書不願
作賀監服也爾尚有此襟抱乎低徊靜密兼總

華清亦既効矣尚祇乃敘以判別朱紫遂以商略古今頃者大典宣勞并及大賚朝廷庸舊人若斯矣欽哉

制勅房辦事大理寺左寺左評事兼司經局正字唐允恭

勅曰國家于禁秘之地設中書以掌書王命間簡世裔以參佐其間微獨以清華之秩榮門望也無亦以簪裾之後雅聞心筆之談而清忠之裔饒俊才也爾制勅房辦事大理寺左寺左評

事兼司經局正字唐九恭乃故禮部右侍郎兼翰林院侍讀學士文獻之子風規峻爽器度冲夷學紹庭聞名成類藻追蜚聲于璧水遂啓秀于薇垣乃以積資加銜棘寺而爾抽毫寫拔數筆嶠頭蘭簡浮香潤色煥龍縑之耀芝函發彩宣文騰鳳藻之輝乃若窓對綠松階藥翻一簾清影班聯玉筍珮環攜兩袖香烟朕頃從講幄以正字覘爾風格矣是用覃恩授爾階徵仕郎錫之初命於戲惟乃父當皇祖時清貞大節

著于西清矣家聲無替惟爾後之人是寄爾尚承爾家學從諸大臣以佐綸命蓋家爲令子卽國爲良臣懋之哉以需顯陟

制曰朕聞婦榮于夫母貴以子乃子職夫名之蓋懋知婦功母德之兼隆昭聖善于蘭陔特錫恩于樞密爾故禮部右侍郎兼翰林院侍讀學士唐文獻妻累贈宜人顧氏乃制勅房幹事大理寺左寺左評事允恭之母函貞華胄懿美者矣其隱溫處賦儀婉一德借昭光分黎火朝饗

引綸扉遂使抽毫光著作之庭佐政起寅清之
譽若夫式和九之訓躬畫荻之勤揭帷墨于先
程起絲綸于世掌優龍劣虎盡含絕地之材玉
季金昆總奮凌霄之技嘉護幃之啓佑念薇省
之聲華是用贈爾爲淑人睠象服之重錫以夫
榮而旣貴荷龍章于三賁緣子貴以彌榮

鴻臚寺左寺丞趙以旗

制曰國家以禮陳敘萬邦而肅中外典客之司
亟需令望自非多材藝端容儀可以接對者曾

不閱歷以幾于大列爾鴻臚寺左寺丞趙以旗
以儒家子近京國居而振秀瑯函升華壁水迨
入叅典屬乃更切觀光薦穀蒲而來朝周室正
崇禮樂都綿蕞而注禮漢官載見威儀遂以積
資薦躋清近茲以覃恩授爾階儒林郎錫之勅
命昔我 顯皇帝靜攝有年泊我 貞皇帝受
命于末故鈞陳豹尾間未或卽敘爾依日月光
臨久矣朕方初嗣曆服以賓四門爾尚恪爾職
以匡爾正而脩大府之憲欽哉

東城兵馬指揮司副指揮劉垣

勅曰朕方光纂服厝以安乃夏而惠此京國更
惓惓焉乃若固紫微營室之防而治以無擾則
唯是二三司城更是寄爾東城兵馬指揮司副
指揮劉垣風格瑩平才猷敏劭蚤蜚英于齒胄
遂服采于都廂而爾裊身志切飲水剖劇識諳
熟路和風披惠九衢沾安堵之庥明鑑懸清百
雉罷探尤之警旣登薦剡式敘官嘗茲特授爾
階承事郎錫之勅命語不云乎稂莠不薤嘉穀

不生安民生者在去民之稂莠耳矧左言不盡
譯于澄波而萬方雜還得無勤銷萌之慮焉爾
尚益旣乃心祇服厥敘朕且錄歲閱而登爾欽
哉

後軍都督府署經歷司事都事顧懋光

勅曰朕瞻念耆舊施及後人間量品材擢在戎
幕無亦握籌俎勝勞在疆場則軍旅之事後人
所習聞也爾後軍都督府經歷司署經歷事都
事顧懋光乃原任總督河道提督軍務都察院

右都御史兼工部右侍郎贈兵部尚書義謙之
子以淮揚俊品出德善甲門而慨慷有文疏通
多略特從歷敘式贊戎闡恪勤在經畫之中風
格出簿書之外茲以考滿特授爾

之

勅命爾不億爾先臣乎狡誣交誑輕緩迨如也
其雄才大畧爾得幾何尚竟爾材操以裨戎畫
勿謂簿領無煩借箸也懋哉

羽林前衛經歷司經歷鄒表

勅曰國家設武衛護同廬而以世其武者統之

又間擇其世文者佐畫諾于幕要以參對簿書
交相成也爾羽林前衛經歷司經歷鄒裘以疏
通敏練之材生道誼文章之族而仰承世學祇
奉彝常精驅憑稷之奸豈弟取當官之譽所司
奏爾狀曰敦理學懋家風規爾格矣茲特授爾
階徵仕郎授之勅命爾先人世有名儒而伉直
敦古爾尚趾美前脩不墮父業乃以能爾官無
回簿領瑣掇有奇安施也懋哉

制曰朕觀世儒堯堯高以博名卑以博爵及爵

名無所傳而儒遂爲天下詬病乃若儒于爵祿而爵名不易吾儒夫儒亦何可詬病也爾原任河南按察司僉事鄒德涵乃羽林前衛經歷司經歷鄒泰之父以賢良高第一佐邦刑載僉外臬而識叅聖脈學紹庭聞求心直見古人據德不阿當世論說在風塵之外精神函藏業之中有子而才克家于業是用贈爾階爲奉政大夫錫之誥命閱爾疏三儒抑何懇爽也爾不竟其志而子以下僚顯爾矣

南京太醫院院判羅成名

勅曰比者歲時失和災沴頻生元元時厲非咎朕憫然念之有能執一死以調我元化其斯褒榮之典爾南京太醫院院判羅成名藝苑名英儒紳重品器形而上精藝入神早擅譽于岐黃遂策勲于南北幾年禁藥聞長樂之鐘聲數載江城閱吳宮之芳草尚思醫諫特簡留都茲以覃恩授爾階承直郎錫之勅命古豪傑不得意于時多托之上藥以孤行其介邇者借爾曹以

以爲榮梯養交游結通顯而已以爾供事三朝
積資甚久其尚永保終譽數廣朕如鑑至意欽哉

四川布政使司左右政使侯執躬

制曰國家建方岳以課百吏而佐安元元其有
綜核行理疏附周澤俾茲里聽在凡堦也朕不
忘遠氓其忘遠吏爾四川布政使司布政使侯
執躬風規凜遠識力精沉一擢軒掄濬叅華貫
俾專左轄式是西邦以蕃蠻雜遝之區當兵役
頻仍之會而爾端敏以清六紀廉公以率百城

作屏翰于屬連大旬宣于陪頒遂使漢索崇隆
于劍閣皇流倍渥于瞿塘閱爾程書朕心用澤
茲特授爾階通奉大夫錫之誥命詩不云乎芃
芃黍苗陰雨膏之國家不憚征繕以安西南而
西南愈困亦唯是郇召勞之耳既綏既拊不戢
不難其堅爾膽智以當天下之務尚以培我周
京以篤祐于桑扈爾惟懋哉

湖廣布政使司右叅政張以謙

制曰朕念方岳之臣數歷中外皆我 皇祖所

簡拔曹署緩靖元元中更我皇考棄過錄功
因材選敘朕頃以普天大慶疏榮及之不必其
任也爾爾廣布政使司右叅政張以謙沉心遠
局介守通材擢等軒掄緯符花縣飲水分曹于
建業懸魚出守于鄂江法提藩臬之衡績滿楚
秦之路意律千人自廢冰操一介必嚴振救扼
私百吏仰忠清之槩起衰扶弱屬城欽諄練之
猷卽偶誤于人言旋徹聞于朝聽茲以覃恩授
兩階中大夫仍加爾資治少尹錫之詰命楚稱

標鷲而苗匪用命也或至中外爲奸利吏不務
安之而務勝之釁起苛煩而又草薶是惡寧復
有靖園乎竟爾勤疆課廉幹以化楚標重念苗
亦吾人也朕且有顯陟

整飭永平等處兵備山西提刑按察司按
察使杜詩

制曰朕旒顧東陲宣威外聞特重紀綱之任兼
資文武之猷矧地擁神皇權兼戎索念安撫之
不易宜範鑒之特隆爾軫惕永平等處兵備山

西提刑按察司按察使杜詩履經峻節導窾
材發蹟版曹力贊度支于心計握籌上谷特
浮冒千雄關迨武部之專司洎薇藩之分部
晉楚更參悉吏治民瘼之隱燕秦特寄諸情
邊計之詳僉云驚代之鴻猷特畀遼西之重
任而爾才與誠合謀以斷資糾虔將吏以威
嚴綏輯兵民于鎮靜振積弱之軍聲知名草木
剪方張之虜勢落膽旃來自折千里之遐衝
允稱一方之偉略茲以覃恩授爾階通議大
夫錫之誥命

於戲邊隅多事則貳委難張中外久疎則綱成
易解屬廷謨之未諳兼塞略之或艱旣耽木葉
之憂遂起桃林之役况民係中原之機括地當
東土之員官豈惟企意于外寧抑亦先防于內
患當未雨而徹桑土豈中流可略衣袵惟時儆
于不虞將事乃其有備無忘保介益懋膚功

欽

整飭淮揚海防兵備道浙江布政使司右

叅政馬從龍

制曰東南咽喉領有海防之設自嘉靖甲寅迄于

今亦已寢弛矣它率守巡異置茲獨以守而兼
巡則內靖外綏式清且晏寧漫比于羣牧受簡
而能無加意乎爾整飭淮揚海防兵備道浙江
布政使司右叅政馬從龍於疊生忠義之邦爲
知竊詩書之士軒陳漢策頒發舜封值縮板之
繁興受起曹之劇任而一朝佩虎三郡坐熊久
則自明抑焉彌振惟枕江臂淮之能洞識故持
衡作屏之不它移曩以藥苦博其榮甘今以車
輕泰於道熟茲以覃恩授爾階中大夫錫之誥

命是役患吏民伍兩原責各半之茲且擇其最
急借觀已事如羣雲擾而後輒有孫恩之屬
乘以抵巇方今蒿目養癰不直在島狼燧鯨
波同時交亟俾朕得稍紓南顧併念東籌弱惟
爾是賴欽哉

浙江布政使司管理嘉湖道右叅政兼按
察司僉事潘洙

制曰朕憫焉流冗軫爾膏垣比緣歲序之不登
更念東南之旣竭端資世牧分任旬宣旣隆

代可斬褒崇剛浙江布政使司管理嘉湖道有
祭政兼按察司僉事潘洙賦才閎敏操行端嚴
一冠廷掄遂開經學旣若予工于寅亮乃握人
鑑于清通出佐藩方歷更繁劇乃能奉官箴以
率屬增上德以安人胸函星部光明同燿日而
流力脫繭絲節縮至秋毫而上懋著激揚之績
式宏保障之猷師薦登聞朕心嘉悅茲特授爾
階亞中大夫錫之誥命朕聞力劇則苦租徭之
苛慘官高則厭金穀之凌囂兼以海汛時嚴民

恫未解野多疾首更有攢靡借爾前籌遂成安堵朕今擢爾廉憲粵西矣綱紀庶司提衡詣道任爲益鉅稱亦滋難永矢厥心益騰休問朕將有大用焉欽哉

浙江布政使司分守金衢嚴道右叅政米萬鍾

制曰朕光纂大曆祗綏方隅唯是分岳藩臣宣布朝廷德意乃兩浙爲天下首藩而實婺越江達下州水又兩浙之雄要微公忠有幹畧者不

授也大慶疏榮寧需閱敘爾浙江布政使司分
守金衢嚴道右叅政米萬鍾以子大夫高第出
宰花封入平棘署載遷版部游歷水曹既若予
工乃分方岳爾其精于簡下力清耗壅之源慎
以裨身自矢公忠之志榮三朝之閱歷識以練
而日精叅兩部之經營材緣用而益大處脂膏
不潤清標峙玉千尋當盤錯有爲風塵行舟萬
斛蓋雲夢八九嘗空赤玉之胸材實四三不假
南金之口當慶條之初下正行省之新叅茲用

授爾階中大夫錫之誥命朝廷以土予吏將土
人之便害興除是倚乃一有事而借才略土借
饑食人蓋一切取辦于上而吏不問以爾邁往
不屑之韻生長都輦下諳此深矣一乃心堅乃
材操尚爲朕辦此土也懋哉朕且有顯陟

制曰朕聞疆弱之植在于骨躁靜之決在于氣
而氣骨定于學則元儉早佐以瞻當天下之
大朕且爲抱有氣者重之爾浙江布政使司分
守金衢嚴道右叅政朱萬鍾妻贈宜人李氏以

椒峴之裔親當天畿之都會而德函百順躬侍
多儀蘋蘩克庀千僮僮圖史風遵于穆穆終溫
且惠主中饋以宜勤能敏而文佐下帷以勵學
睠念旬宣之寄可佐薇藩由昔敬戒之規蚤襲
蘭臺茲加贈爾爲淑人德音無數昭彤管以長
麻異數方隆賁玄扃而永耀

制曰抱奇之士當龍騰豹變之會而柔女子佐
其成能使式敘于內言而駁歷中外者得以廉
公報主上殆亦賢已爾浙江布政使司分守金

衛嚴道右叅政米萬鍾繼妻陸氏生以甲門伉
于名世而清心爲質慧性作儀堂無伺色之歡
矜聲克庀室有同心之愛筐笥偕芬結褵當
佩之華茹澹御紛靡之合爾夫出襄繁劇曾
內顧于庭屏入理渠書雅見相莊于帷布前
力紹外政彌光是用加封爾爲淑人錄彤書于
主饋游鴈並貴之榮揚淑行于明庸益懋相成
之誼

河南布政使司右叅政兼按察司僉事高

惟岡

制曰宋韓蘄王盡于延以勇驚應募卒櫜武功
之首厥後彥直登制科特標水鏡固交陣雄帥
乎茲有與之同里而世績偶符其以旬宣奚忝
也爾河南布政使司右叅政兼按察司僉事高
惟岡才具茂明器資端亮甫救黃于楓陞旋綰
墨于桑泉游陟冬夏之兩曹兼司水陸之一會
乃爾嚴精剔攘濯意均調健兒非紙上之名斥
鹵有遑中之利而置郵行德謹筴呈能歷收古

汴殊庸果副維垣重寄是用授爾階中大夫錫
之誥命夫大梁鎮天控地舊稱四達其域爲豫
蓋言乎舒亦甚矣爾尚與民休息力返中和俾
再遊化國之日朕且甄其後效更有顯酬欽哉
四川布政使司兵巡上川東道右叅政兼
按察司僉事沈朝燁

制曰朕光纂弘圖祗綏方夏所賴保乂之臣宣
布德意于遐方遂使捐煩解易以息小民于苛
繁而徵發亦一大役也有能俾乂朕其忘報而

況慶條之布與地俱遠者爾四川布政使司兵
巡上川東道右叅政兼按察司僉事沈朝燁長
材偉識俊烈神衷旣冠鄉綸遂承軒對爾其通
除虞部振策水曹內靖九衢外調萬舳蔚爾經
綸之略叅予藩臬之司威嚴略法武侯鎮靜唯
庸思定頃緣東役遂借西籌簡練惟精旌旆變
錦江春色訓齊乃一節矛拂劍閣晴雲睠此膚
功宜膺茂渥是用授爾階中大夫錫之誥命古
稱益地險而氣邇夫險與疆不可恃而又不能

因而用之乎以爾疏滯牒流泉貨覈一切古法而精心行之亦旣以效乃酉陽之役兩及之而唯爾能調之頃聞東人倚蜀卒如左右手斯亦簡飭之效乎民固乃險民靖乃疆懋哉朕將咫尺吾遠民而寧遠吾遠吏

整飭密雲等處兵備河南提刑按察司副使馮汝京

制曰我先皇祖憫焉東顧念白山木葉之未康而赫肆撻伐中更我先皇考愈益興發以

與士氣而遠西爲徵調出入之咽喉抑將特擢
西夷以蹶其尾無得生心于東也非雅抱器識
以地練閱者其得授焉爾整飭密雲等處兵備
河南提刑按察司副使馮汝京風猷峻亮識量
宏深蚤以軒掄回翔學鐸迨升華版部乃出視
邊儲僉云文武之兼資遂授紀綱之重任而爾
才誠兩合謀斷相成訓戎律而協其機宜揣
情而得其要領糾虔將吏略法乎威嚴綏輯兵
民惟持以鎮靜衆皆稱其上策予方倚爲長城

惟是中行之有口以致狡■之生心尚賴成謀
寧爲漢患茲以覃恩授爾階中憲大夫錫之誥
命當邊烽未聳其誰不韜鈴負而孫吳雄也屬
者東之役大略可睹矣以爾公忠敏勛業有造
于東尚爲朕緩我勞人以壯神臯左臂而過佚
其心我 文皇帝之大烈朕且企焉欽哉

撫治荆岳整飭施歸等處兵備分巡上荆
南道湖廣按察司副使盧瑛田

制曰朕聞漢以荆爲用武之國嚴紀而帶江漢

寧復綽綽之遺乎壇壝靡隨亦吳會巴蜀聞
會也卽恚悍而爭乎挑弧棘矢共我王事尚猶
是忠誼也揆文奮武察後服先驅而備之則唯
公忠更是尙爾撫治荆岳整飭施歸等處兵備
分巡上荆南道湖廣按察司副使盧瑛田以子
大夫高第入佐版曹出分權政迨郎闡游正乃
楚臬方腐而爾以沉雄博大之材行其惻欵以
敏劭精詳之慮用其寬明故力察貪廉兼資文
武訓練振拔河之氣綜核起控玉之岩蓋國家

托重臬藩而中外習爲誕慢下媚宦成之能吏
上窺局定之爰書爾唯一脫于尋常事乃奏成
于遠大旣思爲主上結心于百姓忍不爲小民
請命于有司蹻然氷玉之中蔚爾社稷之役茲
以覃恩授爾階中憲大夫錫之誥命詩不以江
漢紀南國乎爾以廉清負幹材爲江漢砥礪亦
其紀乎念爾淮徐之政尚芬人齒而賁我同南
鯁鯁爲兵民計甚悉也方今舊藩旣饒新藩且
建非爾廉清有幹材者誰安此警而易爭之衆

懋之哉朕將大爾庸

分巡汝南撫民河南按察司兵備副使郭士望

制曰朕祗承大業底定萬方憫焉念中原重地唯是藩臯之臣是倚更念我神宗皇帝芑貽賢豪釋薪積而湔濯舊德弼我成謨況其分統均之政而繫望名藩者明恩其愛焉爾分巡汝南撫民河南按察司兵備副使郭士望早冠楚材遂掄軒對載分華署入主祠曹旣持天部之

衡卓負人倫之鑑一行藩省名香浮蘭蕙之溪
幾月于宣襟韻徹桐江之水六息方旋于紛語
百爲益暢于靜觀當予大政之維新適爾受除
之載始蓋介守千尋峙玉竑材萬斛行舟撥棹
周詳抱中外兵民之上計陳言慷慨饒清通簡
要之風規茲以覃恩授爾階中憲大夫錫之詩
命中州當天下腹心而宛豫居其陽蓋白羽析
旆通隕囊聞嚮蓋有倉襄焉土之人不云乎望
君如望慈父母焉亦曰望君如望歲今不然乎

爾尚修爾德以捐予腹心懋之哉宛豫人將豐
獲于歲以極慈望矣

分守遼海東寧道山東按察使司副使兼
右叅議何廷魁

制曰朕光纂大曆綏靖邊陲念我 先皇帝不
憚征繕以數百萬爲東人挾纊而文武大吏尚
未有畫一策出一奇以指定白山木葉之間朕
安得不厚屬乎新命也爾分守遼海東寧道山
東按察使司副使兼右叅議何廷魁以子大夫

高第兩下馬。鳧載衆署。與迨鶴。攜隼旗。鹿夾熊
軾。以博綜遠馭之材。調往最難堪之役。更緣疆
鯁。孤持之望。力持不可問之鄉。蓋大軾旣發。乎
庖錮錯。節遂分于虞器。僉謂兼資于經緯。特予
重任。于東寧振積弱之軍聲。山川動色。剪方張
之勢。斧鉞爲光。茲以覃恩。特以新銜。授兩階
中憲大夫。錫之詰命。朕聞衆傑用人。以成功。微
獨其人也。用及故人矣。以之夫心于東西也。
我。不能兩兼爲用。而又棄土人以啖。安在勳。

天下于一門也夫庸不足爲用而驚不能用爾
以才用矣尚以膽智羅三韓而隨地以用朕且
覘爾材名

整飭遼東駐寬奠等處監軍道山東按察
司僉事胡嘉棟

制曰朕光纂鴻圖底寧萬寓而東人未靖我
先皇帝憫焉有東顧之憂蓋重授以撻伐而條
次方略以固吾圉也則爾諸臬司是倚自非公
忠有局略者烏勝其任爾整飭遼東駐寬奠等

處監軍道山東按察司僉事胡嘉棟以子大夫
高第二旅郡辟遂主留銓迨入拜夕垣乃屢煩
辰告遂因過憇致候校閒僉云經緯之兼資旋適
昇紀綱之重任而爾駿氣起成虧之外鴻謨操
戰守之中運龍首以成謀驅虎牙而制勝訓練
旌旗動色指揮斧鉞爲光獨運帷籌壯塞上尋
常之膽先爲殂勝調胸中百萬之兵蓋以十載
之靜觀合生平之感慨算以沉而透神以練而
精念慶典之方斯正膚功之可奏是用覃恩搜

爾階奉政大夫錫之誥命爾不驗朝氣乎夫爾
之銳而撓權璫觸世忌投荒而不懼者無也氣
定則能任氣奮則能往合定與奮而成銳入其
深瑕其堅將在此饒矣懋之哉練士而成朝氣
也予日望之

江西廣信府知府衛道

制曰朕聞江之右多徙業于遠而靈山饒水間
獨矜謹節義稱重業焉不識象山鵞湖遺風尚
有在者乎朝廷欲表率屬城而振迪之微二千

石誰其與我共此者爾江西廣信府知府衛道
以子大夫高第起居秘省佐政版曹歷著能聲
載專劇郡操修峻遠器識沉凝契以端方道更
嚴于拔薤載其清淨治不擾于烹鮮法窮銖兩
之奸澤遍桑麻之野閱爾奏績朕心用嘉茲特
授爾階中憲大夫錫之誥命夫民進窮于吏退
窮于豪得無咨嗟歎息乎簡犖而憑稷者去之
使吏不倚法豪不倚力爾治郡亦旣效矣尚竟
爾材廉所以瞻管轄當世務朕且汝嘉歎哉

山西平陽府知府高登龍

制曰河東古股肱重地頃以薦災失業賦遺民
流所賴良二千石表率州邑安小民于田里用
副朕與共之思爾山西平陽府知府高登龍忠
精敏劭博大端疑由廷掄而佐版輿積歲閱以
臨劇郡而爾操嚴一介斷析勞絲宣明恩而表
百城敦大體而課群吏師帥人歌振驚寬和野
有蜚鴻所司以狀來聞特授爾階中憲大夫錫
之誥命夫漢更有納客而名章或却屬而坐客

然雅志報國不藉豪姓名何如也爾控此上臨人非一譽尚爲實毋爲名朕終不任一人之毀譽也行詔爾矣

直隸保定府同知姚光祚

制曰郡丞秩亞二千石以宣王化佐長吏親人
也京輔重地疊徵海災其有贊符副政表率屬
城使小民安田里而無愁嘆朕敢恡崇褒焉爾
直隸保定府同知姚光祚抱質學文居今好古
爲登上國試教天雅遂端佐大邦以抒籌輿

地當旁午人半呼庚清肅而操紀綱精嚴而佐
蓋諾正學化悲歌之舊直躬當通介之交既以
力靖菑存風行組練而旁搜藏簡間握屬城所
司以狀來聞曰循良君子已特授爾階奉直太
夫錫之諾命惴惴之吏夙謂無華文學之吏或
不兼政爾質有其文爲轍下端察之宦其一雪
此言矣爾尚率爾真竟爾學以調此如礪朕且
汝庸

駐劄岫巖撫民兼海蓋管糧直隸永平府

同知張文達

制曰念我先皇考以先皇祖遺白山木葉之憂遂至備馬東顧發金錢百數萬而浮濫尚存耗蠹未洗非得廉辦之臣孰爲朕善酌盈虛保護元元漏卮終何以實民惡終何以濟也爾駐劄岫巖撫民兼海蓋管糧直隸永平府同知張文達長才聳壑峻節昂霄擢自賢科歷遷重地而爾撫摩茲愛輸輓清勤功著倉箱權騰升寵指据造軍民之命脉綢繆固畿輔之藩籬

蠶細入秋毫恤隱明含燬日所司來奏僉曰汝
嘉茲以覃恩特授爾贈奉政大夫錫之誥命於
戲遼之民與虜相習也山川險易其集餉驅勦
半天下將遂終不可用乎諺曰巧者不過習者
之門以爾著績東隅尚其益勵初忱佐我國家
大計欽哉

管理遼東金州海防清軍山東濟南府同
知李居簡

制曰國家秩少府亞二千石以佐專城乃幕府

僑設特資彈壓其雄要視二千石不翅重也矧
三韓弗靖六合皆兵非精敏練諳之士曷稱其
選爾管理遼東金州海防清軍山東濟南府同
知李居簡貞心遠畧峻宇沉哀早薦鄉閭歷叅
邊郡爾乃緣經術而通務抒雅抱以匡時操勵
茹水法嚴拔薤獨運興除大計深悉利害機宜
士無脫伍海不揚波可稱精敏練諳矣茲用授
爾階奉政大夫錫之誥命於戲漢人之調營平
也曰羌獨足憂耶百萬之需寄于海若斯亦東

人之大命用兵不練不精士不覈不練乃將乘
虛而爲漁也卒伺冒而爲市也文吏兩乘其弊
以飭喜怒于中而誰練之誰覈之也懋哉力破
積習慣我繆綢朕不以格格汝

遼東廣寧駐劄管糧山東濟南府同知馬

紹芳

制曰在昔我 皇祖念遼左軍興而廣鎮當西
夷之雄要特選精敏有幹略者往倅其地以筭
軍儲一切機宜得與聞焉國有大慶寧忘爾勞

勛乎爾遼東廣寧駐劄管糧山東濟南府同知
馬紹芳乃原任工科都給事中汝松之孫湖廣
布政使司右叅政允登之子粹品鴻才清風亮
節追蜚英于壁水遂振彩于花封既簡輿情擢
遼巖鎮借箸起孤城之孱膽投膠布絕塞之陽
春處危岌而能御以安閒當煩鉉而克籌以暇
整馬騰士飽食足傳嚴向者闕關入而能以意
調發隨例而去規爾風猷矣朕甚嘉之茲以軍
恩特授爾階奉政大夫錫之誥命夫遼之地位

于無兵而非無兵也遼之兵危于無餉而非無餉也金城方略朕不中制爾其悉心大計佐元老壯猷以圖滅此小醜朕不以格格汝

制曰三萑並貴司封氏所不掌也朝廷置藉蕩之恩數天同慶矧邊徼勞吏猶朕所加意振作可無破格以旌之爾山東濟南府同知馬紹芳繼妻邢氏靜嫻則訓動應圖書和以蒞衆而成嚴恭以承尊而能愛前猷力紹宗祧靡昌念芳渥之猶存瞻學機之中斷特加顯命式慰幽貞

茲用贈爾爲宜人錫鸞緯以爲華佩鴻麻而如在

山東登州府同知管自在州事段展

制曰朕承先帝遺謨底寧方寓而東夷未靖每期邊夷減此朝食乃若公忠良牧賢幹局以固吾國遂以分朕猷念者朕敢忘報爾山東登州府同知管自在州事段展德度端凝才華敏茂蚤論鄉薦歷綰名城以田民兩救之區當戰守不常之會而爾才周四應謀尚萬全羅邊略

于胸中玩情于堂上遂使鶴表風清體闊月
淨予一人甚爲嘉之狐鼠魂消于城社旃裘瞻
落于威名是用覃恩授爾階奉政大夫錫之誥
命於岐白山木葉之間步扼夷落爲陵京重地
所賴爾拊百姓外撻狡者微爾懇衷介守不
以錯幹局也爾之撫災黎處運事著績先朝茂
矣其尚益殫厥心以撫此遼土朕不忘東顧其
寧忘爾

直隸保定府推官夏嘉遇

勅曰郡國設理官以參佐二千石謂以理理之也我文皇帝命所司慎刑唯曰揆之以理朕數出德號霑宥下土而苛吏薰胥民在鼎矣有能體朕意以理衷法朕其有愛焉爾直隸保定府推官夏嘉遇廉謹而操遠局精嚴而運沉衷一冠廷掄遂分郡憲以三輔凋罷之會當五方雜運之區質爾惟良綜于下邑卽圓方異格或躁靜殊材而經閱則事情悉咨則誤寡羣吏不逃名于苛治屬城絕納響于託公遂使庭無呼

署之聲野有蜚鴻之頌已茲歲閱特授爾階文
林郎錫之勅命夫理以專職寄元元命脉而其
寄職且以核吏治無樹苛慘于元元古不夫乎
地廣不可狹也民衆不可苛也上谷重地而以
明允用其博大亦旣效矣尚冀爾志以明庶獄
遂及庶官朕且顯陟爾

勅曰昔謝媛佐其夫商人吏之臧否權政務之
得失種種有條理而其夫遂不以富貴累其心
賢可知已爾直隸保定府推官夏嘉遇妻郁氏

靜嫺則訓動應圖書風微調機以光素業尚垂
宿編式佐官常頃所司告朕曰爾夫仁行法外
清畏人知計惟爾主中饋調內言用以成爾夫
子廉清爾茲用封爾爲孺人夫木有理曰初若
以力解也爾尚方以理爾家于成助爾夫竟成
于理

直隸保定府推官范紹序

勅曰上谷依月月光際爲天畿浩穰民囂而俗
易踰地重而法易斲凡以三輔之雄城五方之

潮會也其佐我良二千石以捐煩去苛而就
理惟良司法是藉爾直隸保定府推官范紹序
學自庭聞品成孤詣蚤掄上第司憲名城虔煩
賢以澹寧取盤錯以利器片言既折若矜如見
之肺肝百口無詞尚權不經于銖兩要以法必
行于疆近恩無漏于單宗禔身冰玉之中會法
科條之外遂使吏解聞風之綏人依隨雨之車
蓋持一衡以表百城懸三尺而平五聽可稱精
敏遠局矣茲以覃恩特授爾階文林郎錫之勅

命理爲朝廷寄元命而亦時爲大吏寄耳目耳
目久卽大吏反不得自有其明聰夫以法行意
者驕也以意行法者恣也惟勿驕以去媮惟勿
恣以去翫無亦曰理不干其耳目大吏乃不干
其聰明乎懋之哉朕且耳目寄爾矣

山東東昌府高唐州知州師心

制曰州牧秩亞二千石而臨邑長乃其字人猶
邑也故齊爾其人而襦袴之口牧寧獨誇屬城
之雄乎有能俾又可斬褒嘉爾山東東昌府高

唐州知州師心以省辟高等載祭大郡歷典方
州以冠蓋之衝常凋疲之會兼以歲時不易加
之苗盜類仍而爾康以稔躬精于檢下法嚴拔
茲而豈明威澤之懷嬰而寧市德遂使絳衣宵
遁赤地春生階少諍辭人歌明牧茲以歲闋授
爾階奉直大夫錫之詒命夫分甘絕少以爲茲
也長吏子眠方國而茹其哺乎豐修備舊修茲
爾旣瘞身從事以保流備英尚竟爾猷念左食
我蒙袂遂以康我王國朕不以格格汝

山西澤州知州王所用

制曰州牧秩亞二千石而旁領屬城徑達藩臬
則有若閩之長溪晉之高都而高都爲大其司
牧能宣布德意至以兩地寒歲成朕敢忘報爾
山西澤州知州王所用材操峻朗標韻清通一
對彤庭再麾紫馬當吻海派江之要會更高山
深澗之雄藩標華實于魚鹽敦儉勤于種牧而
易民同化易地同操所司來聞曰事治民安風
化絕朕甚嘉之茲用授爾階奉直大夫錫之

不何嗚呼朝廷課最民功唯嗟其無過于百姓
然或上資其功而下摘其過則利有悞易嫚也
思有畔難循也爾旣問南北而吏民同聲曰功
矣尚循畔而行無黜嫚以傲其成朕則顯陟汝

四川重慶府合州知州羅萬象

新曰西川去京師最遠而州牧去民最近其有
寔宣德意爲朕親民于遠則萬里猶尺堦也爾
四川重慶府合州知州羅萬象志介方廉器安
敏茂蚤掄鄉薦出典方州而能任質推誠繫強

扶弱甦累歲之凋殘補百年之曠闕使者數輩咸以最聞茲特授爾階奉直大夫錫之誥命漢重愀幅之吏非謂飾敝垢也修身取譽無釣奇於官耳爾簡失有簿求告有鼓尚懋爾實修無以績成而替所爲愀幅者朕將選諸所表以次用之欽哉

貴州貴陽軍民府廣順州知州萬日棟

制曰朕聞新沐者必彈冠言勵精于新也夜郎萬里新民甫定沐浴周澤矣凡我二三長吏尚

有彈冠之思乎朕不忘報爾貴州貴陽軍民府
廣順州知州萬曰棟名蜚輿市驥展泥輻兩典
方州兼驚壯邑而能手陌草昧力起傷痕輯歸
鴈于澤中懷鳴臬于境上遂使漸成殷賑復見
威儀役無黔皙之謠作有袴襦之咏茲以歲閏
授爾階奉直大夫錫之誥命詩不云乎爰得我
所樂以民土爲所也爾唯廉不藉資于地爾唯
平不鄙夷其氓遠人業倚爾樂土矣爾尚克爾
廉平毋筮其所朕則嘉汝

直隸保定府唐縣知縣陳于堯

勅曰朕念畿民依日月光際大澤唯先大役亦
唯先頃聞歲祲有道殣焉是吏奉吾詔不勤而
人瘼不省也其有仰體朕意康我畿人遂以光
於爾前業朕將尊顯之爾直隸保定府唐縣知
縣陳于堯以省辟高第給綬名封當歲比不登
更或爲蠹而爾神閒氣定識遠防周惠遍桑麻
野有鳴鴻之頌令行被莠庭無憑稷之奸比使
石白奏爾狀曰真誠謹恪始有漢更惻輻之風

而茲特授爾詹文林郎錫之勅命漢神爵務綜
拔急曰舉廉吏欲得其真也廉乃不剝真乃不
爾爾先人守晉陵不啻以節約夫過客歡乎爾
其竟爾操爲真品俾課吏者曰晉陵之子也朕
報爾矣

直隸保定府完縣知縣徐克讓

勅曰朕嗣膺大曆覃敷殊仁重念日畿赤縣固
大澤所先暨也而應聲之征亦唯我畿民是需
言非公忠豈弟烏能體德意以達人瘼者朕且

得其人尊顯之爾直隸保定府完縣知縣徐克
謬一掄省辟載綰名封表三異于一同戴二天
于兩地爾其法嚴拔薤操凜餐水蓋去謠方見
于何思來誦更勤于廉暮識察興除之窾卻力
調寬猛之機宜當盤錯而器利青萍軫子憚而
念浹白屋以故氓驩衆母吏肅神君三尺常懸
四郊無擾茲以先帝覃恩授爾階文林郎錫
之勅命古稱壯哉縣非曲逆耶以望都彈丸不
足以展驥而雄飛于斯也尚有壯猷以稱斯邑

乎望當子午而罷曲當廣錯而悍爾兩蒞之而
輕有效也况爾材操矣遠爾識以壯爾猷勿徒
以縣壯也朕不以格格汝

直隸保定府蠡縣知縣韓光先

勅曰朕祗承大厯綏靖方隅重念畿人士依日
月光際所欲輕徭薄賦以先萬方詩不云惠此
京師以綏四國微吾廉幹吏誰與其此者爾直
隸保定府蠡縣知縣韓光先以子大夫高第一
分紫水之符載下蠡陽之鳥而爾誠心直道介

四云材以繁囂未定之氓當災盜叢仍之會而
三周四應力挽一同調徵藝於煩興靖根株于
五稼遂使野餘佩犢市罷探丸蓋公清立冰蘖
之治臨期在簿書之外豪寇警心于手奏單宗
而命于衷慈如既咏芟棠仰若載勸接樾茲
以厚恩授爾階文林郎錫之勅命龜吾固安陵
之之子午也而此接澤國地重而易囂民雜
之勤以肅無幹既再試而效矣囂不可劇也
之可挽也不聞瀛嶽之役遂煩朝聽乎永肩

一心以副予綏靖至意朕且有遠注

直隸真定府真定縣知縣王聘

勅曰東垣固燕陲趙際列在大吏戲下長吏多
趨期會飾厨傳期以奉文奏調憲軾之口有能
以利器當盤錯而神閒周應不輟拊循則材局
可拔也爾直隸真定府真定縣知縣王聘資猷
敏劭操履清嚴一對明廷再銓壯縣地當午道
塗滿庾呼詬租于民田荒瘠之區課理于災盜
叢仍之會而爾法嚴銖兩澤冤卑輒使庭無呼

譽之聲野有蜚鴻之賦吏民懷畏遐邇恬熙所
司來聞蓋譽言滿篋已茲特授爾階文林郎錫
之勅令詩不云乎挹彼注茲朕廉爾材局而倚
郭移之爾治倚郭猶支邑也爾尚酌所挹注以
旁墮爾豈第乎夫萬民愛之萬民之吏也朕將
予民取吏焉

直隸廣平府永年縣知縣張振秀

勅曰平千爲輦轂繁要而倚郭又大吏宇下古
稱縣劇而難治地近而易知則曲梁一都會也

長吏明體朕意惠綏元元無飾憑軾之口而塗
上耳目其寧獨繁訓之爾直隸廣平府永年縣
知縣張振秀以射策高第簡令畿南既游刃于
彈丸載移絃于望地而政成就熟操樂餐水高
華競爽于聰山孤潔同濡于澄水其效至吏民
懷畏衆佐同清朕閱程書咸曰聲施兩地未嘗
不心賞焉是用授爾階文林郎錫之勅命公孫
脩不云乎大官大邑身所庇也不庇于人不庇
于身朕不敢霸良尼于千里而庇爾身矣爾其

念尹賞之治劇而庇于民乎朕不恠大邑其于
大官寧恠焉

河南衛輝府新鄉縣知縣董用威

勅曰朕聞大梁爲天下要衝新鄉又中原重地
而地瘠民貧差繁賦重乃有長吏加意拊循能
薄我租庸清我郵傳遂以蘇我罷民者朕其忘
報焉爾河南衛輝府新鄉縣知縣董用威幹度
端凝風猷詳練以省辟高等給綬花封而訟獄
繁興盜苗叢起且民日困瘠兼徭賦逋亡爾能

若保視民以文飭吏遂使野有蜚鴻之頌庭無
憑稷之奸斯亦廉能之選已是用授爾階文林
郎錫之勅命夫口哺心俞之謂公心哺口俞之
謂私朕聞吏治惛惛者調心通脫者調口爾尚
乃心力以竟爾材操俾小民有心勤焉而無
徒以口適也朕不格爾

陝西西安府乾州武功縣知縣相邦教

勅曰朕聞圖經于部稱其沃美高厚顧其人猶
頌思文乎吏綰銅墨亦欲食而教之也今以口

量地其于口猶有餘而食之甚不足立我蒸民
寧無念焉爾陝西西安府乾州武功縣知縣相
邦教風猷敏劭襟度軒翺一冠鄉掄載分花縣
而爾材揮遊刃分凜餐永執精心以炳述亡執
定法不握豪近遂使庭無留牘野有蜚鴻所司
來報曰政希漢吏仁治郅封爾風格可按已茲
特授爾階文林郎錫之勅命卽農國也吏可以
農喻夫農之道生欲深而猛熟欲淺而廉吏亦
閱淺深酌廉猛鉏非其類耳爾尚睹黃茂而是

薦是莩朕終不調爾奢望也懋哉

山西平陽府臨汾縣知縣劉四端

勅曰朕初纂鴻庥勵圖堯舜之猷遐覽史策堯
都平陽介在我朕眩鄰方欲詢咨遺風以述大
化而賢牧令敷奏底績朕其忘褒揚焉爾山西
平陽府臨汾縣知縣劉四端以彤軒高第爲赤
絲神君旣遊刃于彈丸載移絃于重地爾乃清
幽暇月慈煦春陽運行雲掣雷之才勵炤秉干
雷之品遂使政成兩治能冠百城

曰宏材實政真品純心朕甚嘉之茲用授爾階
文林郎錫之勅命今之臨汾去古帝時綿邈矣
茅茨土階固古昔盛事其儉樸之極流爲僊裔
至與國家競什一之賦不得不煩鞭敲爾獨能
以爾母之慈勸之朕益信堯舜可爲于今日矣
行且召汝以襲予治懋哉

浙江寧波府鄞縣知縣沈猶龍

勅曰句章爲甬東倚郭東南一大都會也環山
瀕海民瘠而囂爲長吏者能循俗雅化酌靜賢

之會使元元安堵朕敢忘報爾浙江寧波府鄞縣知縣沈猶龍粹品軼才鴻衷遠略升華軒對製錦名城爾乃操勦茹水澤虞馴維練綬以行愷悌廢公而用精明百里清恬冠爲下花封之月一同歌頌鶴葉清冰章之風興聖廟翻奏且盈篋矣朕蒞嘉之茲以覃恩特進階文林郎錫之勅命朕閱漢史其良吏治行卓絕乃得被璽書夫卓絕之治非有它異能也瘠者能安其瘠瘠者不競其瘠而已爾何以與民休息乃爾朕

且卜爾大受矣爾其尚益勵公忠以需顯命

湖廣

縣知縣左天德

勅曰朕聞辰陽險遠而俗樸乃巖谷間或雜獯俗也今復爾平所賴字人之吏勿鄙夷其遠而以樸易之加瑣科焉朕勸遠民敢忘遠吏爾湖廣辰州府辰溪縣知縣左天德以省辟高等分篆花封而爾精于簡下廉以視躬淡寧不藉于紛奢卻絕信嚴于孔竇庭無憑稷市絕探九百里合甘三軍挾纊士振鹿茸之響野餘雉陌之

謹所司奏爾狀曰政平訟理吏畏民懷殆古漢
吏之風焉茲特授爾階文林郎錫之勅命古人
謂吏有資才何可學也獨廉可爲譜耳爾念爾
先寧州平兄弟競爽而家有垂業然爾固食其
餘也爾尚堅爾操佩爾詒謀俾人謂爾祖孫不
減胡威父子也朕顯陽爾

福建延平府南平縣知縣商之葵

勅曰朕聞劍浦當八閩之衝土瘠氓罷至數易
長吏而不治微廉幹饒智計者誰其調懲軼之

只以爲予調待哺者爾福建延平府南平縣知
縣商之彛以省時高等出綰邑綸而身襁冰玉
之中器別盤錯之會才周四應匝時百廢俱興
政集十奇萬口二天有頌頃御史大夫奏爾績
至曰髀髀應手痼瘕切身斯亦循良之槩矣是
用晉爾階文林郎錫之勅命昔我成祖文皇
帝諭所司愛民在實惠而重懲其害夫害非必
盡苛瑣爲墨也焚聽而瘼不以聞驚愚而澤不
以究耳爾緣舊牧顯被新綸尚竟爾實惠綏我

遠假哉朕將脩初政以登進爾

廣東瓊州府樂會縣知縣吳爾植

勅曰朕憫焉念嶺嶠越在萬里外更當極檄陞
辭朕意與遠其治行高等不浹月達朝廷而次
第褒表之比于日畿安在萬里不咫堦也爾廣
東瓊州府樂會縣知縣吳爾植才識中通風猷
外偉彩筆蜚聲桂籍青瓊綰佩花封當閭閻耗
救之秋正庸調頻繁之會而爾神周四應才過
千人禪躬介凜餐冰批卻力閒游刃秋毫而上

悉以與民蚤夜以思無非爲事澤必微于東郭
法靡藉于南金以片語定蠶訛待寸衷噓枯朽
恩遍桑麻而非惠法行稂莠而惟嚴卓有擔當
立懸洞療閱爾程書中予賞率已特授爾階文
林郎錫之勅命夫天末僻遠唯良吏煦煦而新
聲之無法束焉如駭鹿而更欲勝之也爾尚寬
爾材操因其俗不易其宜將萬里在尺堦也朕
不忘遠民其忘遠吏

廣西平樂府平樂縣知縣王泌

勅曰朕聞昭潭爲嶺表喉襟而灘瀧中分俗固
伯仲沅湘也頃以租庸無藝絃誦稀聞且時苦
峒夷爲吏無鄙我遠民而嘉與拊循朕其忘遠
吏爾廣西平樂府平樂縣知縣王沘以明經舉
選縮綬一同而胸有藏書室餘塵甑批卻力閒
遊乃從躬介凜餐冰法靡藉于南金澤必徹于
東郭持寸衷而噓枯朽以片語而定驚訛所司
以康幹來聞已茲特授爾階文林郎錫之勅命
爾亦聞漢吏之惓惓乎要于吏民同聲曰不煩

耳爾闇然行德尚庶幾近之夫天子使吏媚于庶人何得煩吏民而上結也爾之先盖有刻五瘴說者竟爾材操肩蹤往烈朕不爾格

魯府長史司右長史楊允榮

制曰朕肇繼鴻祚大慶實區在廷之彥咸被褒揚有弼亮天潢長我王國者其忘寵錫矧魯猶稱守禮信義資爾輔導良多乎爾魯府長史司右長史楊允榮以甲門貞族策譽成均參

水清理藩刑而斧斷騰登輔相式佐

乃能以五德王天下。于穆醴積誠修已終
社于雪園以甚喜之。茲以盟恩授爾階奉政
夫錫之詰命漢。明侯王相秩亞九卿故爭自
濟勵以就功。天下何多以藩服軟輶也無
亦濟勵者少與此者廷臣議流遷朝秩惟爾
之無徒以長裾曳王門也

孫男之芳編次

卷之十六終